

## Божественная Литургия свт. Иоанна Златоуста

### Прокимен воскресный

**Чтец:** Прокимен, глас 6: Спаси́, Го́споди, лю́ди Твоя́ / и благо-  
слові́ достоя́ние Твое́.

**Лик:** Спаси́, Го́споди, лю́ди Твоя́ / и благослові́ достоя́ние Твое́.

**Чтец:** *Стих:* К Тебе́, Го́споди, воззову́, Бо́же мой, да не пре-  
молчи́ши от Мене́.

**Лик:** Спаси́, Го́споди, лю́ди Твоя́ / и благослові́ достоя́ние Твое́.

### Прокимен прав. Ио́сифа Обручника, Дави́да царя и Ио́кова

**Чтец:** Прокимен, глас 4: Ді́вен Бо́г во святы́х Свои́х, / Бо́г  
Изра́илев.

**Лик:** Ді́вен Бо́г во святы́х Свои́х, / Бо́г Изра́илев.

**Диакон:** Прему́дрость.

*Во время пения прокимна и чтения Апостола диакон кадит престол, алтарь,  
служащих, а также иконостас и весь народ.*

**И чтец надписание Апостола:** К Галáтом послáния свята́го  
Апóстола Пáвла чтéние.

И паки диакон: Вóнмем.

прав. Ио́сифа Обручника, Дави́да царя и Ио́кова

Зачало 200 Неделя 20.Сие же и в неделю по Рождестве Христове. (Гал.1:11-19)

Бра́тие, сказу́ю вам, Благовествова́ние благовещéнное от  
мене́, я́ко несть по челове́ку. Ни бо аз от челове́ка приях é,  
ниже научихся, но явлéнием Иисус Христóвым. Слы́шасте бо  
моё житиё иногда́ в жидóвстве, я́ко попремно́гу гоних  
Цёрковь Бо́жию и разруша́х ю́, и преспевáх в жидóвстве пáче  
мно́гих свёрстник мои́х в ро́де моём, излиха ревни́тель сый

отеческих моих преданий. Егда же благоволи Бог, Избрáвый мя от чрѣва мáтере моея и призвáвый благодáтию Своєю, явити Сына Своего во мне, да благовествúю Его во языцех, áбие не приложíхся плóти и крóви, ни въздóх во Иерусалим к прѣдним менѣ апóстолом, но идóх во Аравíю, и пáки возвратíхся в Дамáск. Потóм же по триех лѣтах въздóх во Иерусалим соглядати Петра, и пребýх у него дней пятьнадесять. Инóго же от апóстол не видех, тóкмо Иáкова брата Господня.

**Под зачало: Зачало 280Б Неделя 31-я. (1Тим.1:15-17)**

Вѣрно слóво и всякаго прíятия достóйно, яко Христóс Иисýс прииде в мир грѣшники спасти, от нíхже пѣрвый есмь аз. Но сегó рáди помíлован бых, да во мне пѣрвом покажет Иисýс Христóс все долготерпѣние, за óбраз хотящих вѣровати Емý в жизнь вѣчную. Царю же векóв нетлѣнному, невидимому, единому премúдрому Бóгу, честь и слава во вѣки векóв. Амíнь.

**Священник:** Мир ти.

**Чтец:** И дýхови твоемý.

**Диакон:** Премúдрость.

**Чтец:** Аллилу́иа. Аллилу́иа. Аллилу́иа, глас 6.

Аллилуиарий воскресный

**Чтец:** Живýй в пóмоци Вы́шняго, в крóве Бóга Небѣснаго водворíтся.

**Лик:** Аллилу́иа. Аллилу́иа. Аллилу́иа.

**Чтец:** *Стих:* Речёт Гóсподеви: Застúпник мой еси́ и Прибéжище моё, Бог мой, и упова́ю на Него́.

**Лик:** Аллилу́иа. Аллилу́иа. Аллилу́иа.

Аллилуарий правв. Ио́сифа Обручника, Дави́да царя и Ио́кова, брата Господня по плоти

**Чтец:** Помяни́, Гóсподи, Дави́да, и всю крóтость его́.

**Лик:** Аллилу́иа. Аллилу́иа. Аллилу́иа.

### Чтение Евангелия

**Диакон:** Благослови́, влады́ко, благовестителя́ свята́го Апóстола и Евангели́ста Матфе́я.

**Священник, осеняя его крестным знаменем, произносит:** Бо́г, моли́твами свята́го, сла́внаго, всехва́льнаго Апóстола и Евангели́ста Матфе́я, да да́ст тебе́ глаго́л благовествующему́ си́лою мно́гою во исполне́ние Ева́нгелия Возлю́бленнаго Сы́на Своего́, Гóспода на́шего Иису́са Хри́ста.

*И подает ему святое Евангелие.*

**Диакон:** Амíнь.

**Священник:** Премúдрость, прóсти, услы́шим свята́го Ева́нгелия. *Таже:* Ми́р все́м.

**Лик:** И дúхови твоemú.

**Диакон:** От Матфе́я свята́го Ева́нгелия чтéние.

**Лик:** Сла́ва Тебе́, Гóсподи, сла́ва Тебе́.

**Священник:** Во́нмем.

правв. Ио́сифа Обручника, Дави́да царя и Ио́кова, брата Господня по плоти:

Евангелие от Матфея, зачало 4. На девятом часе в навечерии Рождества Христова. Сие же декемвриа в 26-й день, и неделя по Рождестве Христове, и святым младенцем. (Мф.2:13-23)

Отшéдшим волхво́м, се А́нгел Госпо́день во сне яви́ся Ио́сифу, глаго́ля: воста́в, поими́ Отроча́ и Ма́терь Его́, и бежи́ во Египет, и бу́ди та́мо, до́ндеже реку́ ти, хо́щет бо Йо́род искати́ Отроча́те, да погуби́т Ё. Он же, воста́в, поят Отроча́ и

Мáтерь Егó нóщию и оты́де во Егíпет. И бе тáмо до умéртвия Ёродова, да сбúдется речéнное от Гóспода прорóком, глагóлющим: от Егíпта воззвáх Сы́на Моегó. Тогда Ёрод, вíдев, я́ко поругáн бысть от волхвóв, разгнéвася зело́ и послáв, избí вся дéти, сýщия в Вифлеéме и во всех предéлах егó, от двою́ лéту и нижáйше по врéмени, éже извéстно испытá от волхвóв. Тогда сбýтся речéнное Иеремíем прорóком, глагóлющим: глас в Рáме слы́шан бысть, плач, и рыдáние, и вопль мног. Рахíль плачу́щися чад сво́их и не хотя́ше утéшиться, я́ко не суть. Умéршу же Ёроду, се А́нгел Госпóдень во сне явíся Ио́сифу во Егíпте, глагóля: востáв, поимí Отрочá и Мáтерь Егó и иди́ в зéмлю Изрáилеву, изомрóша бо йщущии дúшу Отрочáте. Он же востáв, поят Отрочá и Мáтерь Егó и при́де в зéмлю Изрáилеву. Слы́шав же, я́ко Архелáй цáрствует во Иудéи вмéсто Ёрода, отцá своегó, убоя́ся тáмо итí. Весть же приéмь во сне, оты́де в предéлы Галилéйския. И пришéд, вселíся во гра́де, нарица́емем Назарéт. Я́ко да сбúдется речéнное прорóки, я́ко Назорéй наречéтся.

**Под зачало:**

**Евангелие от Луки, зачало 94. Неделя 32-я на литургии. (Лк.19:1-10)**

И вшед прохождáше Иерихóн. И се муж нарица́емый Закхéй, и сей бе стáрей мытарéм, и той бе богáт. И иска́ше вíдети Иисúса, кто есть, и не можáше от наро́да, я́ко вóзрастом мал бе. И предытéк, возлéзе на я́годичину, да вíдит, я́ко тудé хотя́ше мину́ти. И я́ко при́де на мéсто, воззрéв Иисúс вíдев

его́ и рече́ к нему́: Закхее, потщався слези, днесь бо в дому́ твоём подобает Ми быти. И потщався слезе и прият Его́ радуясь. И видевше вси роптаху, глаголюще, яко ко грешну́ мужу вни́де витати. Став же Закхей рече́ ко Гóсподу: се пол имения моего́, Гóсподи, дам ни́щим, и аще когó чим обидех, возвращу́ четверицею. Рече́ же к нему́ Иисус, яко днесь спасение́ дому́ сему́ бысть, зане́ и сей сын Авраамль есть. Прииде бо Сын Человечь взыскати и спасти́ погíбшаго.